

gish ga awāt ga gwilgwaluksheum
wishwash gut ga:

5 Ada ashī libāshit ga, ada shimt
gwutgwāunsh ga gazilzalt gish ga
lakypō ga, ada wil houit gish dup-
niat, Gau ma gun shim gwilthga-
guēla didōlsha dida shpagait dua-
dit?

6 Althga wāl da gwa, yagai ltha
gik dōlsh ga dit; shim a'abuga na
wila algiak didā gwashim da ashī na
didhā didā Galileet,

7 N'da hou dit, Dum gup ginamtk
ga Lthgōlthk gish ga giat gish ga
zum ga'anonsh ga hadadā gut ga
giat ga, ada dum lizaqusha didā lak
guzāgut, ada za ltha gwunshā dit
ada dum gik dōlshk ga dit.

8 Adat a'abugash ga na algiakt ga,

9 Ada yilyeltk gut gish ga amyāt
gish ga awāsh ga n'toigiat ga, adat
malthash ga tkānīsh ga gau gish ga
kapault ga da gaul, dilth gup tkānit
ga.

10 Wai, dup Mary Magdalene, dish
Joanna, dish Mary ga naush James
ga; dilth gik nagazāout ga hanānak
ga na shikshtōlt ga t'in maltha tkānī
gau gish ga apostles ga.

11 Ada shgatgum algiaga gwayash
ga gagaud ga; ada althga shimhou-
diksha dash dupniat.

12 Ada al baldum bāsh Peter ga,
ada bāt gish gut gaush ga n'toigiat
ga; ada kbishum shgūut, gish ga
zilum nīzk gut ga, adat nīsh ga wil
lipgana daush ga ama halthau ga;
ada wilt gaush ga na wāpt ga, ash
gut lūshanāltk gish ga gau ga wālt
ga.

13 Whati tkashnīsh ga sha ga, ada
nī, dupkadōl gish dupniat ga dumt
in gaush ga lthgwa gulzap ga wāt
gulth Emmaus, gault ga wil giapsh
ga furlongs ga shganakt gish ga Jeru-
salem ga.

14 Ada n'dadālagut gish ga wila

wāsh ga tkānīsh ga gau ga ltha wāl
dī ga.

15 Ada wil wālt ga, ashī n'dukdā-
lagut ga dilth na gutgūadagut ga,
dha, lip gwunyāgut Jesus ga, adat
shtōlt ga.

16 Ada al gup dakdokshish ga ga-
zilzalt gish ga dumt wil wha wilait
ga.

17 Ada houit gish dupniat, Gau
da gū wila n'dukdadālaga shim da
ashī hūwāluksha shimt? ada sha gidi
makshk gut ga, ash ga walumsh bal-
giakshk gish ga gagaud ga.

18 Ada dilamak gish ga gault gish
niat, wāt gish Cleopas, Gup gau'n
alth dadhānth Jerusalem gūt in wha
wilailth gaulth wāl dī't a giaōni?

19 Ada houit gish dupniat, Gau
ga? Ada houit gish niat, Gau wila
wāsh Jesusum Nazarethā da, gū
prophet da gutgiat da a halthalshit
dilth algiagut ash ga hazaklthk gish
ga Shimoigiat ga Lakaga dilth tkānī
giadit:

20 Diltht wila ginam da man-
priestsit dilth alalgiagushk ga dit a
dum wil dapsha dida dum zaqusha
dit, ada lthat lizagwa didā lak guzā-
gut.

21 Ada na al boishgum dash nīada
na dumt in lipigian Israelt. Yagai
niadit gik na awā tkānī gwa, ltha
gwunshā didā giaōn n'da wāl nahou-
'umt.

22 Ada gikt sha līdukshanum na-
gazāou na hanānak shimt, nha altha
haba da awā n'toigiadit;

23 Ada lthat wha wāsh ga na
tkamaut gut, ada gutgōiduksh dit,
āt maltha, lthat nī nūagiadum angels
dit, gūt in maltha didōlsh dit.

24 Adat hapt da nagazāou da ha-
khokshk ga didā gum awāsh ga n'toi-
giat ga, adat wā shim nīwāda na
nahou hanānagut; ada am althgat
nisht.